

Zoo siab rau koj tsev neeg uas tab tom muaj me tub me nyuam! Peb paub zoo tias kev txais tos koj tus me nyuam yug los rau lub ntiaj teb no yog ib lub sij hawm tshwj xeeb tshaj plaws hauv lub neej no. Peb pab neeg ua hauj lwm tag nrho- txij li cov kws kho mob thiab cov kws tu neeg mob mus rau cov kws pab tswv yim txog kev pub mis rau me nyuam thiab cov neeg ua hauj lwm muab kev pab cuam- mob siab rau kev muab kev saib xyuas, kev nyab xeeb thiab kev nplij siab rau koj thiab koj tus me nyuam mos.

Ntawm ThedaCare, peb muab kev saib siab kom muaj kev noj qab nyob zoo puag thaum pib! Peb paub zoo tias koj xav tau kom koj tus me nyuam tshiab tau txais yam zoo tshaj plaws. Vim yog li ntawd peb thiaj li muaj cov kauj ruam tshwj xeeb thiab kev kuaj xyuas — uas hu ua **Cov Qauv Kev Saib Xyuas** —uas txhua tus me nyuam mos yuav tau txais. Cov kev kuaj mob thiab cov tshuaj txhaj no yog txoj hauv kev yooj yim los nrhiav cov teeb meem tsis tau paub los sis tiv thaiv cov teeb meem tag nrho uas muaj thaum ntxov, ua rau koj tus me nyuam los pib lub neej zoo thiab muaj kev nyab xeeb.

Cov Tshuaj Kho Mob:

Cov Kev Saib Xyuas	Nws Yog Dab Tsi	Vim Li Cas Koj Tus Me Nyuam Thiaj Xav Tau Kev Txhaj Tshuaj
Txhaj Tshuaj Vitamin K	Txhaj ib koob tshuaj rau cov leeg nqaij ncej puab.	Cov me nyuam mos yug los muaj Vitamin K tsawg heev, uas yog qhov tsim nyog rau lawv cov ntshav khov (tsis los ntshav) uas tsim nyog. Cov kab mob npev taws lias hauv peb txoj hnyuv yuav tsim cov Vitamin K rau peb lub cev. Yuav siv sij hawm li ob peb lub hlis rau cov kab mob npev taws lias hauv plab no thiaj li muaj kev loj hlob. Cov vitamin K muaj me ntsis hauv cov niam mis thiab mis hmoov thiab tsis txaus raws li qhov xav tau. Yuav txog thaum lub sij hawm ntawd, cov me nyuam mos muaj feem yuav ua rau los ntshav. Kev txhaj tshuaj vitamin K pab tiv thaiv kev los ntshav uas tsis tshua pom muaj tab sis txaus ntshai heev hauv lub hlwb los sis lub cev uas tuaj yeem ua rau xiam oob qhab los sis tuag tau.
Tshuaj Pleev Qhov Muag Erythromycin	Muab tshuaj pleev tua kab mob uas muab tee tso rau hauv tus me nyuam lub qhov muag.	Cov tshuaj pleev no tiv thaiv tus me nyuam lub qhov muag ntawm qee yam kab mob uas ua rau dig muag tau, txawm tias leej niam tsis muaj tsos mob los xij.
Txhaj Tshuaj Tiv Thaiv Kab Mob Siab B (Mob Siab B)	Thawj koob tshuaj txhaj ntawm tag nrho cov tshuaj tiv thaiv kab mob.	Cov tshuaj txhaj tiv thaiv no tiv thaiv koj tus me nyuam mos ntawm tus kab mob Siab B, uas yog ib tug kab mob vais lav tawm tsam lub siab thiab tuaj yeem ua rau muaj kev kis kab mob mus tas li thiab mob qog noj ntshav hauv daim siab tau. Feem ntau lawm yuav siv cov tshuaj no hauv 24 teev thawj zaug tom qab yug tau me nyuam. Koj tus me nyuam yuav tau txais ntau koob tshuaj txhaj tom qab.

Kev Kuaj Tshuaj Xyuas Mob rau Cov Me Nyuam Mos:

Cov Kev Tshuaj Xyuas Mob	Nws Yog Dab Tsi	Vim Li Cas Koj Tus Me Nyuam Thiaj Xav Tau Kev Tshuaj Xyuas Mob
Kev Kuaj Tshuaj Xyuas Mob rau Cov Me Nyuam Mos (Pob Taws Sib Nplaum)	Nqus ntshav li ob peb tee ntawm tus me nyuam mos lub pob taws.	Qhov no yog kuaj nrhiav ntau yam mob tsis tshua muaj tab sis txaus ntshai heev (xws li teeb meem nrog tus me nyuam mos lub cev kev ua hauj lwm los sis cov hormones hauv lub cev). Kev nrhiav pom cov teeb meem zoo li no thaum tseem ntxov txhais tau tias cov kws kho mob tuaj yeem pib los kho tau tam sim ntawd, yog tias tsim nyog.
Kev Tshuaj Xyuas Kev Hnov Lus	Yuav muaj kev muab lub cuab yeej pab mloog pob ntseeg rau ib ncig ntawm tus me nyuam mos lub pob ntseg thaum lawv pw tsaug zog los sis so ntsiag to. Nws muaj lub suab yau-yau.	Qhov kev kuaj xyuas no kom paub tseeb tias tus me nyuam mos hnov lus zoo. Kev kuaj pom txog tias tsis hnov lus zoo thaum tseem ntxov yog qhov tseem ceeb rau tus me nyuam mos txoj kev hais lus thiab kev tau taub lus.
Kev Tshuaj Xyuas Kab Mob Plawv Thaum Yug Los (Critical Congenital Heart Disease, CCHD)	Ib lub cuab yeej ntsuas me-me hu ua lub tshuab ntsuas pa oxygen hauv ntshav (pulse oximeter) yuav qhwv ib ncig ntawm koj tus me nyuam mos txhais tes thiab txhais ko taw txhawm rau los ntsuas cov pa oxygen hauv cov ntshav.	Qee qhov teeb meem tshwm sim ntawm lub plawv tej zaum yuav tsis qhia meej txog cov cim mob kiag tam sim ntawd. Qhov kev kuaj no pab nrhiav tau qee qhov teeb meem tsis tau paub thaum tseem ntxov, txhawm rau kom koj tus me nyuam mos tuaj yeem tau txais kev saib xyuas uas lawv xav tau tam sim ntawd.
Daj Ntseeg (Qib Bilirubin)	Siv lub tshuab ntsuas qhov ci uas tuaj yeem nqa tau txhawm rau coj los ntsuas qib bilirubin ntawm koj tus me nyuam mos daim tawv nqaij los sis nqus ntshav me ntsis ntawm nws lub pob taws txhawm rau coj los ntsuas koj tus me nyuam mos qib bilirubin.	Peb kuaj xyuas koj tus me nyuam mos qib bilirubin vim tias cov bilirubin siab tuaj yeem ua rau tus me nyuam mos lub hlwb puas tsuaj yog tias tsis kho.
Kev Tshuaj Xyuas Kev Kis Kab Mob Strep Group B (Group B Strep, GBS)	Yog tias koj kuaj pom tias koj muaj tus kab mob GBS, ces koj yuav tau noj tshuaj tua kab mob thaum koj yug me nyuam txhawm rau los tiv thaiv kev kis kab mob rau koj tus me nyuam mos.	Peb yuav taug qab xyuas koj tus me nyuam mos yam ze li 1-2 hnuab saib seb puas muaj kev kis kab mob li cas tso.

Yog tias koj muaj lus nug txog cov Txheej Txheem Kev Saib Xyuas Raws Tus Qauv saum toj no, ces koj pab pawg neeg ua hauj lwm saib xyuas kev noj qab haus huv yeej nyob ntawm no los teb cov lus nug.

